

駢

雅

訓

纂

駢雅卷六上

訓纂十二

明 朱謀埠 鬱儀

龍巖魏茂林學

釋草

稊稂稊也

〔廣雅釋草〕稊稂稊稂也〔疏證〕說文云稊稂穀名〔按〕許君但曰穀名不言何穀段氏王裁注謂不與稊篆爲伍則與張說異玉篇中禾部廣韻二下平聲並云稊稂稊名皆本張說又〔按〕廣雅作稊而此又云稊稊者蓋以稊爲黍中之一種黍中之有稊猶稷中之有秬稻中之有秠也近程氏瑤田九穀考辨黍與梁稷之分甚確與鬱儀說合書載學海堂經解五百四十八文不備

錄・旁皇二音

藟合黍也

禮曲禮下泰曰薌合釋文薌音香合如字或音閭

薌其梁也

又同上梁曰薌其注其辭也釋文其字又作箕同音姬語辭也
王音期期時也

明粢稷米也

又同上稷曰明粢釋文粢音谷一本作明梁古本無此句按此
隋王劭說程氏瑤田取之詳九穀考梁考文不備載

嘉蔬稻也

又同上稻曰嘉蔬注嘉善也稻菰蔬之屬也釋文作蔬云本
又作蔬色魚反

豐本韭也

又同上韭曰豐本注豐茂也

彫胡安胡苽米也。

〔周禮〕天官食醫魚宜苽。〔注〕苽彫胡也。〔西京雜記〕卷二苽之有米者長安人謂之彫胡。〔文選〕七發安胡之飯。〔注〕安胡未詳。一曰安胡彫胡也。〔宋玉風賦〕曰爲臣炊彫胡之飯。苽音孤。

降變胡豆也。

〔廣雅釋草〕胡豆降變也。胡江所江二切。

巨勝鴻藏胡麻也。

〔神農本草經上〕胡麻一名巨勝。名醫曰一名鴻藏。〔按〕巨勝一作鉅勝。又作苽勝。〔廣雅釋草〕狗虱鉅勝。〔藤宏〕胡麻也。〔疏證〕列仙傳關令尹喜與老子俱遊流沙服苽勝實苽與鉅通。

卑留豆也。

〔玉篇中豆部〕躡力周切。卑豆也。又。躡方迷切。躡也。〔按〕廣雅釋草。

𧄸豆。𧄸豆。𧄸豆也。𧄸字。𧄸字皆从豆。此作卑。留未詳。沈氏亮曰。齊民要術。二大豆。第六引廣雅。𧄸正作留。卑。留。卽𧄸。𧄸省文耳。

蹲鴟芋也。

〔史記貨殖列傳〕吾聞汶山之下沃野。下有蹲鴟。〔集解〕徐廣曰。古蹲字作踰。〔正義〕蹲鴟芋也。蹲徂尊切。踰七倫切。落蘇茄也。

〔經史證類大全本草菜部下品〕茄子一名落蘇。象穀米。穰。𧄸粟也。

〔又米穀部下品〕𧄸子粟一名象穀。一名米穰。𧄸烏莖切。幽芥。拉達。蕪菁也。

〔方言三〕蕪菁。蕪菁也。趙魏之郊謂之大芥。其小者謂之辛芥。或

謂之幽芥。其紫華者謂之蘆蕒。東魯謂之菰蕒。菰蕒落苔徒
合二反
須從葑也。

說文解字第一葑須從也。段氏注。邶風采葑采芣毛傳曰葑須
也。釋草曰須葑葑說文葑須從也。三家互異而皆不誤。葑須爲
雙聲。葑從爲疊韻。單評之爲葑。桑評之爲葑。從單評之爲須。桑
評之爲須。從語言之不同也。或許所據爾雅與今本異矣。按爾
雅釋草須葑從郭云未詳。段氏此注深得古人承音作字之惜。
如肉貫弗如豆合黃洵足以通三家之騎訓。纂於戴氏方言疏
證邵氏爾雅正義王氏廣雅疏證所錄尤多。皆深究六書有裨
後學者也。釋文葑音須本今作須葑方孔反葑音攷。

冥葑芴葑蔓青也。

急就章第十老菁藟荷冬日藏顏注菁藟菁也一日冥菁亦曰蕪菁又曰芴青・芴音勿

蘆艸電葵蘆艸也

爾雅釋草葵蘆艸注艸宜爲艸蘆艸蕪菁屬紫花大根俗呼電葵正義艸宜爲艸者後漢書注引爾雅作葵蘆艸是爾雅別本有作蘆艸者矣又俗呼電葵者太平御覽引廣志云蘆艸一名電葵周密云四川人猶呼爲葵釋文蘆郭音力何反謝力吳反艸郭音蒲北反電步角反葵孫郭並他忽反施徒忽反

鴻薈薈也

又同上鴻薈薈注卽薈菜也・薈胡界反薈烏外反

荇蓂馬辛薺也

又同上荇蓂大薺注薺葉細俗呼之曰老薺正義此別薺之異

種也齊民要術引舍人云薺有小故言大薺釋文薺思麻反薺亡麻反。博雅音析覓。廣雅釋草薺。馬辛也。疏證神農本草云薺。一名馬辛。名醫別錄云一名大薺。

游冬苦菜也。

廣雅釋草游冬苦菜也。疏證神農本草云一名茶草一名選名。醫別錄云一名游冬。

宜男療愁萱草也。

御覽九百九十六百卉部本草經曰萱一名忘憂一名宜男一名岐女。按大觀本草及政和本草白字本經內俱無此文孫氏神農本草經刊本亦不載考御覽引吳普有吳氏本草及吳氏本草經之目疑此所引乃吳氏本草經文偶脫上二字耳又按玉篇中艸部莧莧也字並从艸。述異記卷下萱草一名紫。

萱又呼爲忘憂草。吳中書生呼爲療愁花。療力照切。

將離芍藥也。

〔御覽〕九百八十九藥部。翟豹古今注曰：牛亨問將離別相贈以芍藥何也？荅曰：芍藥一名將離。故將別贈以芍藥。按今本古今注問荅釋義第八作芍藥一名可離，與御覽所引文異。大觀本草八引可離，又作何離，疑皆傳寫之誤。

日精女節。周盈、朱贏更生。陰成女華、落牆鞠也。

〔說文〕解字第一：鞠，日精也，似秋華，从艸，鞠省聲。按：似段據宋本作以良是。神農本草經上：鞠華，名醫曰一名日精，一名女節，一名女華，一名更生，一名周盈，一名陰成。〔御覽〕九百九十六百卉部：菊，本草經曰一名陰成，一名朱贏。〔爾雅〕釋草：鞠治，牆注。今之秋華菊。按：〔說文〕解字第一：菊，大菊，蓮麥从艸，矦聲，又鞠治。

牆也从艸鞠聲與上菊同精之菊分而爲三蓋不以治牆爲秋華之菊說詳段氏玉裁注釋文鞠字或作菊又作鞠集韻平聲一落蔣艸名字皆从艸墀牆二音

留夷胡繩薰陸都梁嘉夜迷迭藤無土鹵杜衡揭車芑輿藁茝香草也

楚辭離騷經畦留夷與揭車今王逸注留夷香草也又索胡繩之纚纚王逸注胡繩香草也御覽九百八十二香部魏略

曰大秦出薰陸抱朴子曰倅焚洲在海中薰陸香之所出薰陸香木膠也俞益期賤曰衆香共是一木木膠爲薰陸又廣志

曰都梁出淮南盛宏之荊州記曰都梁縣有小山山水清淺其中生蘭草俗謂蘭爲都梁卽以號縣漢書禮樂志第二恢嘉

夜蒨蘭芳注如淳曰嘉夜芳草也御覽九百八十二香部魏

略曰大秦出迷迭。廣志曰迷迭出西海中。

楚辭九歌秋蘭兮

蘼蕪。王逸注蘼一作蕪。洪興祖補注爾雅曰蘼蒢蘼蕪郭璞云

香草按蘼與蕪通吳仁傑離騷草木疏一引此蘼正作蕪又引

管子地員及本草文並同。爾雅釋草杜土鹵注杜衡也似葵

而香按此从張氏刊本與爾雅文合舊鈔本土鹵作上鹵洪興

祖楚辭離騷經補注引爾雅亦作上當由版誤未足爲據也

楚辭離騷經雜杜衡與芳芷王逸注杜衡芳芷皆香草也按山

海經二西山經天帝之山有草焉其狀如葵其臭如蘼蕪名曰

杜衡注香草也亦作蘼廣雅釋草楚蘼杜蘼也。離騷草木疏

二爾雅揭車芑輿按今本爾雅釋草作藹車芑輿注藹車香草

釋文藹去謁反謝起例反郭去謁反車音居本多無此字芑謝

去訖反沈又虛訖反輿字或作藹音餘唯郭謝及舍人本同衆

家並作蔎

〔說文解字第一〕蔎。莧也。〔錢氏〕斟詮爾雅蔎車芑

輿上林賦作蔎車應劭云香草

〔山海經西山經〕臯塗之山有

草焉其狀如蔎芑

〔注〕蔎芑香草〔箋疏〕按蔎芑卽蔎本也本芑聲

近義同故此經言蔎芑中山經青要之山言蔎本郭氏注上林賦云蔎本蔎芑也

龍仙燕胎麻母柴珠白符龍銜五德三秀芝草也

〔抱朴子內篇仙藥第十一〕

龍仙芝狀如昇龍之相負也以葉爲

鱗其根則如蟠龍服一枚則得千歲矣御覽九百八十六藥部

茅君內傳曰句曲山上有神芝五種第一曰龍仙芝似交龍之

相負服之爲太極仙卿第二曰參成芝赤色有光扣其枝葉如

金石之音折而續之卽如故服之爲太極大夫第三曰燕胎芝

其色紫形如葵葉象如燕欲飛狀光明洞徹服一株拜爲太清

龍虎仙君第四曰夜光芝其色青實正白如李夜視其實如月光照洞一室服一株爲太清仙官第五曰玉芝色白如玉剖食拜三官眞正御史也

抱朴子內篇仙藥第十一

麻母芝似麻而莖赤色花紫色

御覽九百八十六藥部抱朴子曰紫珠芝

其莖黃其葉赤其實如李而紫色二十四枚輒相連而垂如貫珠也按今本抱朴子麻母芝下接珠芝其花黃其葉赤云云珠上無紫字此作紫珠疑更爲紫珠之譌

抱朴子內篇仙藥第

十一白符芝高四五尺似梅常以大雪而花季冬而實

又龍

銜芝常以仲春對生三節十二枝下根如坐人

又五德芝狀

似樓殿莖方其葉五色各具而不雜上如偃蓋中常有甘露紫氣起數尺矣

楚辭九歌采三秀兮於山間王逸注三秀謂芝

草也洪興祖補注爾雅茵芝注一歲三華瑞草也思元賦云冀

一年之三秀

威喜飛節樊桃木渠參成木芝也。

〔抱朴子內篇仙藥第十一〕威喜芝夜視有光持之甚滑燒之不然帶之辟兵。〔又〕松樹枝三千歲者其皮中有聚脂狀如龍形名曰日飛節芝大者重十斤末服之盡十斤得五百歲也。〔按〕御覽九百五十三九百八十六引皆無日字疑衍。〔又〕樊桃芝其木如昇龍其花葉如丹羅其實如翠鳥高不過五尺以立夏之候伺之得而末服之盡一株得五千歲也。參成詳上龍仙注。〔又〕木渠芝寄生大木上如蓮花九莖一叢其味甘而辛建木芝實生於都廣其皮如纓蛇其實如鸞鳥此三芝得服之白日昇天也。

馮厨極機中馮草也。

爾雅釋草中。𤑔菌注地蕈也。似蓋。今江東名爲土菌。亦曰𤑔。厨。

・𤑔音達。菌巨隕切。集韻入聲十。極。櫻。蕈名。的協悉協二。

切

雞菌雞塿也。

升菴文集七十九花木類。蔡氏毛詩名物解引莊子云雞菌。不知晦朔。今本作朝菌。雞菌菌如雞冠也。與莊生牂生於突義相叶。故雲南名佳菌曰雞塿。鳥飛而斂足菌形如之。故以雞名。有以也。按升菴菰林伐山卷六雞菌條載埤雅引莊子與名物解同。今埤雅釋蟲蟋蟀條作朝菌。不作雞菌。又謂集韻塿土菌也。字當从此。今集韻平聲一塿祖義切。解與塿字同種也。亦不作土菌。解即仁寶七修類藁卷四十六引雲南方言謂之雞宗。又謂生處蟻聚叢之當作蟻從潘之恒。廣菌譜雞塿蕈出雲南作。

此堦字通雅四十二植物類作雞堦又謂堦當作堦字多互異解亦不同竝存備攷廣菌譜見陶珽續說郛第四十一

菡萏木耳也

〔說文解字第一〕萸木耳也从艸與聲一曰菡萏〔段氏注〕未聞說文亦無菡字集韻九慶菡萏主切菡萏木耳是謂萸之一名也
• 菡音蔣氏疾移二切萸音軟

月爾紫萸也

〔爾雅釋草〕萸月爾〔注〕卽紫萸也似蕨可食・萸音其

萸纏繫萸也

〔又同上〕萸纏〔注〕今紫萸也或曰雞腸草〔正義〕本草別錄有紫萸陶注云此菜人以作羹唐本注云此草卽是雞腸也生濕地坑渠之間俗流通謂雞腸雅士總名紫萸〔釋文〕萸字或作萸謝

先老反沈施所留反本草呼爲藜蘹藜音煩蘹字亦作蘹力主反

遊胡菴閭旁勃彭敦蒿也

〔毛詩草木鳥獸蟲魚疏〕于以采藜藜音蒿凡艾白色爲蒿蒿今白蒿春始生及秋香美可生食又可蒸食一名游胡北海人謂之旁勃故大戴禮夏小正傳云藜游胡游胡旁勃也〔按藜蒿釋草文今本夏小正傳作藜由胡由胡者藜母也藜母者旁勃也〕〔史記司馬相如列傳〕菴藜軒芊〔集解〕漢書音義曰奄蒿蒿也索隱郭璞云菴蒿子可療病也〔按漢書作奄閭張揖注曰奄閭蒿也子可治疾〕〔御覽九百九十七百卉部〕神仙服食經曰十一月採彭勃彭勃白蒿也〔按廣雅釋草疏證引此文勃作敦尾魯觚盧也〕

文選子虛賦蓮藕觚盧注張晏曰觚盧扈魯也

菲芴土瓜也

爾雅釋草菲芴注卽土瓜也・匪物二音

與渠胡葷也

翻譯名義集六什物篇第三十七興渠此方相傳爲芸臺者非也此是樹汁似桃膠西國取之以置食中今阿魏是也又葷辛葷而非辛阿魏是也辛而非葷薑芥是也是葷復是辛五辛是也梵網經云不得食五辛言五辛者一葱二薤三韭四蒜五興渠按據此則阿魏不得在五辛之列興渠非阿魏明矣仍當以爲芸臺者爲是

諸柘都蔗也

文選子虛賦諸柘巴苴注張揖曰諸柘甘柘也按史記司馬相

如傳諸柘作諸蔗齊民要術十按書傳曰或爲芋蔗或芋蔗或
邯鄲或甘蔗或都蔗所在不同

蔗攪水栗蒹也

〔爾雅釋草〕蒹蒹攪。〔注〕蒹今水中菱。〔釋文〕蒹字又作菱今作蒹攪
亡悲反孫居郡反又居羣反字林云楚人名蒹曰菱。〔酉陽雜
俎〕卷十九菱一名水栗。

澤芝芙蕖也

〔御覽〕九百九十九百卉部古今注曰芙蓉一名荷花生池澤中
一名澤芝。〔按〕今本古今注澤芝作水芝毛氏詩疏廣要上引與
御覽同

拘羅過羅皋蘆苦茗也

〔又〕九百九十八百卉部南越志曰龍川縣有皇蘆草葉似茗味

苦澁土人以爲飲今南海謂爲過羅或曰拘羅

女青拔龍葛也

又九百九十五百卉部廣雅曰女青葛也。釋草文詳下烏葛注。爾雅釋草拔龍葛注似葛蔓生有節江東呼爲龍尾亦謂之虎葛按疏及正義竝謂拔一名龍葛則不以拔龍爲葛名

扶留諸慮山梟藤也

文選吳都賦東風扶留。劉淵林注扶留藤也緣木而生味辛可食。爾雅釋木諸慮山梟注今江東呼梟爲藤似葛而梟大釋文諸慮如字施力積反字又作攬力余反梟字或作梟音誅力水反下同

烏蘆莢也

詩碩人葭莢揭揭傳莢蘆也釋文蘆五患反江東呼之烏蘆蘆

音邱

龍修龍須也。

〔山海經中山經〕賈超之山其中多龍。修〔注〕龍須也似莞而細生山石穴中莖倒垂可以爲席。

唐蒙赤綱莧。唐蒙女蘿也。

〔爾雅釋草〕唐蒙女蘿女蘿莧絲。〔正義〕詩疏引舍人云唐蒙一名女蘿女蘿一名莧絲。〔神農本草經上〕莧絲子名醫曰一名莧。

縷一名唐蒙一名玉女一名赤綱。一名莧。〔離騷〕草木疏二本。

草莧絲子一名赤綱。〔按〕綱綱二稱必有一誤。〔駢雅〕作綱自應以。

草木疏所引爲據。〔蒙與〕蒙通見上山。〔蒙下蓬〕蒙注又莧蒙作莧。

蒙猶莧絲作莧絲也。

烏韭垣羸昔耶垣衣也。

〔廣雅釋草〕簪邪烏韭也在屋曰簪邪在牆曰垣衣疏證晉苔屬也西山經云小華之山其草有萆荔狀如烏韭郭注云烏韭在屋者曰昔邪在牆者曰垣衣本此以釋之也〔經史證類大全〕本草草部中品垣衣一名昔邪一名烏韭一名垣贏
凌霄紫葳陵苕也

〔經史證類大全〕本草木部中品紫葳一名凌霄唐本注云此卽凌霄花也爾雅釋草郭云一名陵時又名凌霄〔按〕今本爾雅注無又名凌霄四字本草紫葳亦無陵時之名圖經謂古今所傳書有異同是也。苕音調葳音威

堯韭昌羊菖蒲也

〔又〕草部上品菖蒲吳氏云一名堯韭〔淮南子說山訓〕昌羊去蚤蝨而來蛉窮〔注〕昌羊昌蒲也

棘菀。蔓繞。遠志也。

神農本草經上。遠志一名棘菀。一名蔓繞。爾雅釋草。蔓繞。棘菀。
注。今遠志也。廣雅釋草。棘菀。遠志也。按。棘與棘菀。與菀。菀字並
通。蔓烏了反。菀音寬。

玉精人參也。

御覽九百九十一藥部。吳氏本草曰。人參一名玉精。

鹿竹。雞格。黃精也。

經史證類大全本草草部上品。黃精一名雞格。一名鹿竹。按此
墨字乃名醫別錄之文。

地輔。卻暑。托盧。枸杞也。

神農本草經上。枸杞一名地輔。名醫曰。一名卻暑。又孫氏按。

毛詩云。集于苞杞。傳云。杞。枸櫞也。陸璣云。苦杞。秋熟。正赤。服之。

輕身益氣列仙傳云陸通食橐盧木實抱朴子仙藥篇云象柴一名托盧是也或名仙人杖或云西王母杖或名天門精或云卻老或名地骨或名枸杞也

女萎馬薹地節青薹黃芝也

〔又同上〕女萎名醫曰萎薹一名地節一名玉竹一名馬薹〔後漢書華佗傳〕青薹生於豐沛彭城及朝歌間〔注〕佗別傳曰青薹者一名地節一名黃芝主理五藏益精氣本字書無薹字相傳音女廉反

薹杜地管茅根也

〔又本草經中〕茅根名醫曰一名地管一名薹杜。薹與薹通

銅芸百蜚防風也

〔又本草經上〕防風一名銅芸名醫曰一名百蜚。蜚音斐又音

非

地新藁本也

又本草經中藁本一名地新又見上藁茺注

卑鹽麻黃也

又同上麻黃名醫曰一名卑相一名卑鹽

苻離澤芬蒿麻白芷也

爾雅釋草莞苻離其上蒿注今西方人呼蒲爲莞蒲蒿謂其頭

臺首也今江東謂之苻離西方亦名蒲中莖爲蒿用之爲席正

義本草白芷一名莞一名苻離王逸楚詞注莞夫離也與郭異

• 蒿音羽翽之翽神農本草經中白芷名醫曰一名苻離一

名澤芬葉一名蒿麻

玉延薯蕷也

御覽九百八十九藥部吳氏本草曰署豫一名諸署一名玉延。
廣雅釋草土延。藟莢署預也。疏證今之山藥也。按古玉字無點。
王延卽玉延也。經史證類大全本草六草部上品薯蕷秦楚名。
玉延鄭越名土藟孫氏神農本草經上按語引廣雅王並作玉。
• 藟音曙又音儲莢音豫與預同。

林蘭禁生石薺石斛也。

神農本草經上石斛一名林蘭名醫曰一名禁生一名杜蘭一
名石薺。• 薺音逐。

解蠡屋茨起實薺也。

又同上薺苳仁一名解蠡名醫曰一名屋茨一名起實。按蠡同。
蠡省正字通引漢匈奴傳谷蠡作谷蠡音里。• 茨音毯薺音意。
苳音以又音似苳苳本字一作呂。廣雅釋草藟起實音呂也。

〔疏證〕音呂與蕙苳同。藟音貢證類本草六作藟音感音憶戴縹蜀脂百本黃者也。

〔神農本草經上〕黃耆一名戴縹名醫曰一名蜀脂一名百本。
縹音桑感切。

連母。蠅母。水浚。女雷。鹿列。韭逢。沈燔。東根。知母也。

〔又本草經中〕知母一名蠅母一名連母一名水浚一名蠅母名醫曰一名女雷一名鹿列一名韭逢一名東根一名沈燔。按燔與燔通一作藩集韻平聲二藩燔注或从燔甫煩切又音煩。

〔爾雅釋草〕蔞。蔞。注。生山上葉如韭。一曰蠅母。按此據邵氏正義本阮氏按勘記作一曰提母。謂監本毛本提改蠅葉鈔釋文本引郭云一曰提母。通志堂作蠅誤。〔廣雅釋草〕蔞母兒踵東。

根也。〔疏證〕說文云蔞蔞母也。玉篇云蔞母草卽知母也。蔞蔞。

知蜚蜚提古聲竝相近

地文半夏也

〔神農本草經〕下半夏一名地文。

絺體顛勒顛棘也

〔經史證類〕大本草草部上品天門冬陶隱居云張華博物志云天門冬逆將有逆刺若葉滑者名絺休一名顛棘金城人名爲浣草此非門冬相似爾按今本博物志無此文唯卷四載魏文帝所記諸物相似亂者有敵休亂門冬五字絺作敵體作休御覽九百八十九藥部六引博物志又作郅休疑體字俗訛作体休体字混傳寫之誤爾〔神農本草經上〕天門冬一名顛勒〔廣雅釋草〕顛棘女木也〔疏證〕本草云天門冬一名顛勒勒棘古同聲顛棘之作顛勒若小雅斯干如矢斯棘韓詩棘作枋矣

禹葭忍陵僕壘隨脂羊耆馬韭藟冬也

〔神農本草經上〕麥門冬名醫曰秦名羊韭齊名愛韭楚名馬韭越名羊耆一名禹葭〔經史證類大全本草草部上品〕麥門冬吳氏云一名馬韭一名藟冬一名忍陵一名僕壘一名隨脂。藟音門耆與耆通

藟吾菟奚顓凍鑽凍款冬也

〔神農本草經中〕款冬花一名藟吾一名顓凍一名兔奚〔按〕此據孫氏本證類本草九草部中品白字本免作菟又按急就章云款東貝母葭狼牙半夏阜莢艾藟吾則是款東藟吾爲二物與本草異也〔爾雅釋草〕菟奚顓凍〔注〕款凍也紫赤華生水中〔釋文〕顓苦果反或音款凍謝音東施都弄反讀者亦音冬〔按〕本草云款冬一名氏冬陶注云其冬月在冰下生則應是冬恐承音

作字異爾。廣雅釋草：苦苳款凍也。疏證：款或作款凍，或作凍。
經史證類大全本草草部中品，衍義曰：款冬花百草中惟此不
願冰雪最先春也。世又謂之鑽凍。

附支：丁翁、燕覆、離南、活脫、木通也。

神農本草經中：通草一名附支。名醫曰：一名丁翁。廣雅釋草：

丁父附支，通草也。疏證：陶注本草云：莖有細孔，兩頭皆通。唐本

注云：此物大者徑三寸，每節有二三枝，枝頭有五葉，其子長三

四寸，核黑穰白，食之甘美。南人謂爲燕覆。食性本草云：燕覆莖

名木通。覆音覆，或省。爾雅釋草：離南、活莖。正義：離南一名

活莖。本草謂之通草，一名附支。釋文：離力知反。本今作離莖字

或作脫，徒活反。又倚商活脫。注：卽離南也。釋文：活胡濶反。

白幕、天雄也。

神農本草經下天雄一名白幕

果負烏頭也

御覽九百九十藥部吳氏本草曰烏頭一名果負

澤姑王善果羸括樓也

神農本草經中括樓名醫曰一名果羸一名澤姑呂氏春秋

孟夏紀孟夏之月王善生注善或作瓜瓠瓢也按畢氏沆校本

作王菩謂舊本作善者訛菩與貨通音倍爾雅釋草果羸之

實括樓正義爾雅東山云果羸之實亦施於宇毛傳果羸括樓

也按括爾雅作括釋文羸力果反括樓本或作苦萇阮氏校勘

記云作苦萇是也毛詩傳用括樓假借字說文作苦萇正字爾

雅多用正字羸亦俗字當作萇說文在木曰果在地曰萇又曰

苦萇果萇也本此經與本書在地曰萇之言合而俗本亦改作

羸矣

利如房圖薺芑桔梗也

〔神農本草經下〕桔梗一名利如〔廣雅釋草〕犁如桔梗也〔疏證〕利
犁古字通〔神農本草經下〕名醫曰桔梗一名房圖一名薺芑
• 芑乃禮切音禰

元臺正馬鹿腸元參也

〔神農本草經中〕元參名醫曰一名元臺一名鹿腸一名正馬
〔廣雅釋草〕鹿腸元參也

牡蒙衆戎紫參也

〔神農本草經中〕紫參一名牡蒙名醫曰一名衆戎

菟槐陵郎岑莖苦參也

〔又同上〕苦參名醫曰一名菟槐一名岑莖一名陵郎

空腸黃芩也。

〔又同上〕黃芩名醫曰一名空腸。

勝烏陵烏芩車前也。

〔又本草經上〕車前子一名當道名醫曰一名芩芩一名勝烏。

〔莊子外篇至樂〕蠅蠓之衣生於陵屯則爲陵烏。釋文司馬云言

物因水成而陸產生於陵屯化作車前改名陵烏也。〔詩芩芩

釋文芩本亦作苳音以芩苳馬烏也又名車前爾雅釋草芩芩

馬烏馬烏車前。〔注〕今車前草。〔毛詩〕草木鳥獸蟲魚疏采采芩芩

芩芩一名當道喜在牛跡中生故曰車前當道也。今藥中車前

子是也。

陵澤主田甘遂也。

〔神農本草經下〕甘遂一名主田名醫曰一名陵澤。〔廣雅釋草〕陵

澤甘遂也

叩鉅大戟也

爾雅釋草葍叩鉅注今藥草大戟也本草云按神農本草經下
大戟一名叩鉅·叩巨恭反

黃良大黃也

廣雅釋草黃良大黃也疏證御覽引吳普本草云大黃一名黃
良

南燭青糝男縷烏草也

經史證類大本本草木部下品南燭取汁炊飯名烏飯亦名烏
草。燭與燭同又圖經曰陶隱居登真隱訣載太極真人青
精乾石飢飯法飢音迅亦作飢凡內外諸書並無此字惟施於
今飯之名耳其種是木而似草故號南燭草木一名男縷按此

作男縷未詳又按飢當作粃疏臻切集韻平聲二粥凝也

射干烏蓮也

〔廣雅釋草〕鳶尾烏蓮射干也按疏證本烏蓮作烏薹云各本譌作蓮此尙從舊本作蓮不作薹

藉姑烏芋也

〔又同上〕薹菇水芋烏芋也疏證薹菇亦作藉姑名醫別錄云烏芋一名藉姑御覽及齊民要術引廣雅竝作藉姑水芋也亦曰烏芋・薹音昨

女青烏葛也

〔又同上〕女青烏葛也疏證神農本草云女青一名雀瓢別錄云雀瓢白汁主蟲蛇毒卽女青苗汁也按女青二字重出然上云女青葛也係據御覽引廣雅文此云女青烏葛則廣雅原文也

一名不妨兩見鬱儀自敘所謂傳寫異辭皆不刪廢是也

蕒茅烏蕒也。

爾雅釋草蕒蕒茅。注蕒華有赤者爲蕒。正義上文云蕒蕒此又別其種也。說文解字第一蕒茅蕒也。一名舜。廣雅釋草烏蕒蕒也。按諸書釋蕒名不一。此从廣雅說。證以爾雅說文別異名也。

• 蕒可與反蕒巨營詳交二反蕒音福

貞蔚莢蔚益母也。

神農本草經上充蔚子名醫曰一名貞蔚。廣雅釋草益母充蔚也。疏證爾雅云萑萑郭注云今莢蔚也。釋文萑音佳萑他回反或音推莢音充蔚音蔚。

地葵常思泉耳也。

神農本草經中泉耳實一名地葵。名醫曰一名常思。泉音蕒。

方賓懸莞石龍芻也。

經史證類大全本草草部上品石龍芻別錄云一名方賓。芻俗芻字。神農本草經上石龍芻名醫曰一名懸莞。莞音桓。虎蒲龍棗澤蘭也。

神農本草經中澤蘭一名虎蘭一名龍棗名醫曰一名虎蒲。屈據離婁蘭茹也。

又本草經下閭茹名醫曰一名屈據一名離婁。蘭與閭通茹音如。

戴椹盜庚旋覆也。

又同上旋復花一名金沸草名醫曰一名戴椹。椹食荏切音甚。爾雅釋草覆盜庚注旋覆似菊釋文覆郭音復施孚服反。庚本又作羹同古衡反。說文解字第一同。

王芻鹿蓐蓋草也。

爾雅釋草茶王芻。注茶蓐也。今呼鴟腳莎。詩淇奥正義釋草云茶王芻。舍人曰茶一爲王芻。某氏曰茶鹿蓐也。經史證類大本草草部下品蓋草。唐本注云俗名茶蓐。草臣禹錫等謹按爾雅疏云茶鹿蓐也。詩衛風云茶竹猗猗是也。茶力辱反。芻楚俱反。本又作芻蓐。音辱。蓋音燼。

乃東夕句。燕面夏枯草也。

神農本草經下夏枯草一名夕句。一名乃東。名醫曰一名燕面。豺羽升推。疾藜也。

又本草經上疾藜子一名豺羽。一名升推。豺音儕。

蒟藪。魚顚。天名精也。

爾雅釋草蒟藪。豕首。注本草曰魚顚。一名蟾蜍蘭。今江東呼猗。

首釋文荇音列蕝音眞兔音滯豨虛豈反
名精名醫曰一名兔顱

行唐莢荇也

神農本草經下莢蕩子名醫曰一名行唐孫氏按廣雅云蕢萍
藺蕢也陶宏景云今方家多作狼蕢舊作荇按說文無荇蕢字
史記淳于意傳云菑川王美人懷子而不乳飲以荇蕢藥一撮
本草圖經引作浪蕩是。夏氏荃曰蕢萍藺蕢廣雅釋草文萍
不作萍證類本草十草部下品作荇荇原注荇音浪荇音蕩孫
引陶隱居及圖經皆本證類本草惟白字荇改作蕩兩
接余。蕢葵也。

爾雅釋草荇接余其葉付釋文荇音杏本亦作荇接如字說文
作荇音同余羊如反經史證類大全本草草部中品蕢葵生水

中卽蒼菜也一名接余。

解離防己也。

〔神農本草經中〕防己一名解離。

爵犀鬼曰也。

〔又〕本草經下鬼曰一名爵犀。

拒冬續隨也。

〔經史證類大全〕本草草部下品續隨子一名拒冬。拒張刻作

拒舊鈔本不誤。

黎蓋房慈爵離農果利茹防葵也。

〔神農本草經上〕防葵一名黎蓋。名醫曰一名房慈一名爵離一

名農果一名利茹。〔按〕御覽九百九十三引本草經作房葵一名

犁蓋。

元及會及莖藉五味也。

〔御覽九百九十藥部〕吳氏本草曰五味一名元。及〔廣雅釋草〕會及五味也。〔疏證〕神農本草云五味一名會。及〔按〕此據御覽藥部七引大觀本作墨字。乃名醫別錄之文。〔爾雅釋草〕葍莖藉。〔注〕五味也。葍音味。又亡戒反。莖直其反。藉音除。餘容犁食。解倉。芍藥也。

〔神農本草經中〕芍藥名醫曰一名餘容。一名犁食。〔御覽九百九十藥部〕芍藥吳氏本草曰一名解倉。〔按〕神農本草經中芍藥名醫曰一名解食。經史證類大全本草八黑字作解倉。摩羅強瞿重邁連珠百合也。

〔神農本草經中〕百合名醫曰一名摩羅。一名強瞿。〔經史證類大全本草草部中品〕百合吳氏云一名重邁。〔通志七十五昆

蟲草木一強瞿卽百合也其紅花者一名連珠。

睽菇鈎菇薺挈王瓜也。

爾雅釋草鈎睽菇。注鈎瓢也。一名王瓜實如瓠瓜正赤味苦。釋文睽本或作睽顧謝同音圭孫苦圭反菇音姑本今作姑瓠音鈎又五侯反瓢力侯反字林云瓠瓢王瓜也。按據陸氏音義注鈎字當是瓠字之譌阮氏按勘記亦云鈎當作瓠廣雅釋草薺菇瓠瓢王瓜也。經史證類大全本草草部中品王瓜圖經曰又名鈎菇。禮月令孟夏之月王瓜生。注王瓜草挈也。正義王瓜草挈者本草文釋文草挈上八反下起八反。此作薺挈未詳。

蔥苒豐盧薺葵藜盧也。

廣雅釋草藜盧蔥薺也。疏證蔥各本譌作蔥神農本草云藜盧

一名蔥荇荇與薺同御覽引廣雅藜蘆蔥荇也。薺他甘切

〔御覽九百九十藥部〕吳氏本草曰藜蘆一名豐蘆一名蔥葵一名蔥荇。盧與蘆通葵張刻作蔡舊鈔本不誤

白昌夜呼章柳商陸也

〔經史證類大全本草草部下品〕商陸今注一名白昌。〔神農本

草經〕下商陸一名夜呼。〔廣雅釋草〕常藟馬尾蒟蒻也。〔疏證玉

篇〕云葦柳當陸別名又云蒟蒻葦蒟蒻古同聲柳蒟蒻三字古亦同聲也。〔按〕葦柳云云見玉篇中草部

虎卷伯萍扁苻貫渠貫衆也

〔神農本草經〕下貫衆一名貫渠一名虎卷一名扁苻名醫曰一名伯萍。〔爾雅釋草〕篇苻止。〔注〕未詳。又〔藻貫衆〕注一名貫渠廣

雅云貫節。〔按〕郭云未詳據本草經云一名扁苻卽此也。爾雅當

云篇苻止灤貫衆扁與蕒同匹縣反灤音爍衆音終

萇楚銚弋葎草也

萇楚銚弋。見爾雅釋草詳下釋木羊桃注又說文解字第一萇楚銚弋。一名羊桃。廣雅釋草。鬼桃銚弋。疏證。檜風隰有萇楚傳云萇楚銚弋也。神農本草云一名羊腸。名醫別錄云一名御弋。按此以萇楚銚弋爲葎草。說文解字第一云葎草也从艸律聲。段氏注引唐本草云葛葎萇朱本草云葛勒蔓似葛有刺錢氏沽澗詮云本草有葎俗名葛勒蔓也。諸書所引皆不以爲萇楚銚弋之名。鬱儀所云未知其審。葎音律。

異翹折根三廉連翹也

爾雅釋草連異翹注

一名連苕又名連草本草云

神農本草

經下連翹一名異翹一名三廉名醫曰一名折根

三堅馬蘭蠡實也。

〔神農本草經中〕蠡實一名三堅。〔經史證類大全本草草部中品〕蠡實唐本注通俗文一名馬蘭。圖經曰蠡實馬蘭子也。北人音訛呼爲馬蘭子。蘭音吝。

黃斤葛穀也。

〔神農本草經中〕葛根葛穀名。醫曰一名黃斤。

承膏薇銜也。

〔又本草經上〕薇銜一名麋銜。名醫曰一名承膏。

文無當歸也。

〔古今注問答釋義第八〕將離別相贈以芍藥亦猶相招召贈之以文。無文無亦名當歸也。

茈萸瞿麥也。

萋當作萎爾雅釋草大菊瞿麥正義釋文引廣雅云此萎麥句
萋蓬麥今本廣雅作此葳陵苕蓬麥也疑傳寫之訛當以陸氏
所據之本爲正按經史證類大全本草八圖經引廣雅此葳亦
作此萎此作此萋疑誤此紫疵二音萋樓樓二音又力朱切
萎音透於危切

赤節草薺也

神農本草經中草薺名醫曰一名赤節。薺音卑薺音皆又皆
買下買二切

玉支羊躑躅也

又本草經下羊躑躅名醫曰一名玉支。躑證類本草十引作
躑廣雅釋草躑躅作躑躅字並通

玉鼓地榆也

廣雅釋草。菹蔕地榆也。疏證。名醫別錄云。地榆生桐柏及冤句山谷陶隱居注云。葉似榆而長。初生布地。其花子紫黑色如豉。故名玉豉。齊民要術十地榆。神仙服食經云。地榆一名玉札。其實黑如豉。北方呼豉爲札。當言玉豉。與五加煮服之。可神仙。是以西域真人曰。何以支長久。食石畜金鹽。何以得長壽。食石用玉豉。豉是義切。

豺漆金鹽五加皮也。

神農本草經上。五加皮一名豺漆。豺士佳切。經史證類大

全本草木部上品。五加皮。東華真人煮石經。舜常登蒼梧山。曰厥金玉之香草。朕用偃息正道。此乃五加也。又異名曰金鹽。夜合。何首烏也。

經史證類大本本草草部下品。何首烏一名夜合。

凌泉黃環也。

〔神農本草經下〕黃環一名凌泉。

蓬纍覆盆也。

〔又本草經上〕蓬纍一名覆盆。孫氏按列仙傳云昌容食蓬纍根。

陶宏景云蓬纍是根名覆盆是實名。纍與纍字並通。

冰臺艾也。

〔爾雅釋草〕艾冰臺。注今艾蒿。

女莧荂也。

〔神農本草經中〕女莧名醫曰一名白莧一名荂。〔廣雅釋草〕女腸。

女莧也。〔疏證〕紫莧之白者名女莧。莧音婉。

鬼目蓄也。

〔神農本草經下〕羊蹄一名鬼目。名醫曰名蓄生陳留。蓄張刻。

本誤作菑此从舊鈔本改正

軒于猶也

文選子虛賦菴閭軒于注張揖曰軒于猶草也

夫須臺也

爾雅釋草臺夫須正義小雅云南山有臺疏引舍人云臺一名夫須陸璣疏云舊說夫須莎草也可以爲簑笠按釋文臺字又作臺同夫音扶須音須本今作須阮氏按勘記按詩都人士釋文云臺如字爾雅作臺則此釋文當作臺字又作臺蓋爾雅經作臺注引詩簑作臺今祇以臺臺爲異文誤也據釋文須作須知臺亦作臺矣

鎬侯莎也

又同上藹侯莎說文解字第一莎鎬侯也藹胡老反與鎬通

莎先禾反

缺益葦也。

〔爾雅釋草〕葦葢注覆葢也。實似莓而小亦可食。正義說文缺益二字俱不从艸。陸本作葢。葢後世增加字也。廣雅云缺益陸英莓也。太平御覽又引吳普本草云缺益一名決益。〔釋文〕葦音苦圭反。葢去悅反。葢步昆反。〔按〕今本廣雅作葢。俗本謄作葢。邵作缺。未詳何本。又郭注爾雅以葢葢爲覆葢。與上蓬蘽無別。此不從其說。

寒漿葢也。

〔又同上〕葢寒漿注今酸漿草。江東呼曰苦葢。〔釋文〕葢之金反。藥何干反。本今作寒。

祝餘療飢草也。

山海經南山經招搖之山有草焉其狀如韭而青華其名曰祝餘。食之不飢。注或作桂茶。箋疏桂當爲桂字之譌。桂茶祝餘聲相近。

黃薺已疥草也。

又西山經竹山有草焉其名曰黃薺。其狀如樗其葉如麻白華而赤實其狀如赭浴之已疥。薺音灌。

薺薺使人無子。

又同上嶠冢之山有草焉其葉如蕙其本如桔梗黑華而不實名曰薺。薺食之使人無子。薺音骨。

植楮可以已癰。

又中山經脫扈之山有草焉其狀如葵葉而赤華莢實實如櫟莢名曰植楮。可以已癰。注癰病也。箋疏太平御覽七百四十二

卷引郭注作瘋癰也。說文云癰頸腫也。瘋音暑癰音扇又溜屢二音。

葶藶可以毒魚。

又同上熊耳之山有草焉其狀如蘇而赤華名曰葶藶。可以毒魚。注葶寧叮暉二音

苦辛可以已瘡。

又同上陽華之山其草多諸蓂多苦辛其狀如櫛其實如瓜其味酸甘食之已瘡。

焉酸可以療毒。

又同上鼓鍾之山有草焉方莖而黃華員葉而三成其名曰焉酸。可以爲毒。注爲治箋疏焉酸一本作烏酸治去之也

嘉榮令人不寤。

又同上。半石之山。其上有草焉。生而秀其高丈餘。赤葉赤華。華而不實。其名曰嘉榮。服之者不寢。注不畏雷霆霹靂也。箋疏按北堂書鈔一百五十二卷。引此經。寢上有畏字。注無雷霆二字。今本脫衍也。

宿莽卷施也。

爾雅釋草。卷施草拔心不死。注宿莽也。離騷云。正義離騷云。夕攄洲之宿莽。王逸注。草冬生不死者。楚人名之曰宿莽。釋文卷施竝如字。施或作施同。

牡老雀麥也。

經史證類大全本草草部下品。雀麥外臺祕要一名牡。柸草。

老與柸通。竝魯皓切。

龍古游龍馬蓼也。

爾雅釋草紅龍古其大者蘼注俗呼紅草爲龍鼓語轉耳正義
詩疏引舍人云紅名龍古紅者虞夏之別種後世所謂水荇也
釋文龍力恭反又力公反歸謝邱軌反郭匡龜反爲龍如字本
今作龍。龍古張刻作龍古此从舊鈔本詩山有扶蘇隔有
游龍傳龍紅草也疏陸璣疏云一名馬蓼。璣本今作機
石衣石髮澤葵苔也

爾雅釋草澹石衣注水苔也一名石髮。澹音潭廣雅釋草
石髮石衣也文選蕪城賦澤葵依井呂延濟注澤葵莓苔也
又陸龜蒙苔賦卑有澤葵

石帆海草也

文選吳都賦石帆水松劉淵林注石帆生海嶼石上草類也無
葉高尺許其華離婁相貫連雖無所用然異物也死則浮水中

人於海邊得之希有見其生者

魚蘇。薺葦。桂荏。勞祖。雞蘇也。

〔經史證類大全本草菜部中品〕蘇圖經曰蘇有魚蘇山魚蘇皆是荏類魚蘇似茵陳大葉而香吳人以煮魚者一名魚蘇生山石間者名山魚蘇〔按廣雅釋草荏蘇也疏證引同。薺音書

又唐本注云青薺河間人名爲水蘇江左名爲薺葦吳會謂之雞蘇。薺在禮切葦女耕切〔爾雅釋草蘇桂荏〕注蘇荏類故名桂荏。荏而甚反〔神農本草經中〕水蘇名醫曰一名雞蘇一名勞祖。

薺。薺。荏。蘭也。

〔詩荏蘭之支正義〕釋草云薺荏蘭郭璞曰蔓生斷之有白汁可啖陸璣疏云一名薺摩幽州人謂之雀。瓢。雀與薺通荏音桓。

光風懷風苜蓿也

〔西京雜記卷一〕苜蓿一名懷風。時人或謂之光風。茂陵人謂之連枝草。

東牆土英也

〔後漢書烏桓傳〕其土地宜稌及東牆。東牆似蓬草實如稌子。至十月而熟。〔按〕牆一作牆。〔漢書司馬相如傳〕東牆雕胡。〔注〕張揖曰：東牆實可食。師古曰：東牆似蓬，其實如葵子也。又作薺，御覽八百四十二。〔百穀部〕廣志曰：東薺色青黑粒如葵子，幽涼并皆有之。〔西河語〕曰：貸我東薺，償我白粱。又作牆，庶物異名疏。〔穀部〕東牆似稌，可作白酒。見魏書。出烏桓地。以上諸說皆不作土英解。薄且芭蕉也。

〔史記司馬相如列傳〕諸蔗、獐且、索隱、獐音普各反。且音子餘反。

漢書作巴且文穎云芭蕉也

繁露天葵也

經史證類大本本草菜部下品落葵一名天葵一名繁露陶隱居云又名承露按爾雅釋草蔞葵繁露注承露也繁與葵通倚扇實間倚蕙蕙蒲也

宋書符瑞志下蕙蒲一名倚扇狀如蓬大枝葉小根根如絲轉而成風殺蠅堯時生於厨御覽八百七十三休徵部孫氏瑞應圖曰蕙蒲一名倚扇一名實間一名倚蕙蕙山輒切
蕙葵歷草也

文選王融三月三日曲水詩序歷草滋注田俅子曰堯爲天子蕙葵生於庭爲帝成歷按宋書符瑞志上載堯在帝位七十年有草夾階而生月朔始生一莢月半而生十五莢十六日以後

日落一莢及晦而盡月小則一莢焦而不落名曰冀莢一日歷莢

福并福草也

御覽八百七十三休徵部孫氏瑞應圖曰福并瑞草王者有德則福并生按宋書符瑞志中福草者宗廟肅則生宗廟之中御覽八百七十三休徵部二引孫氏瑞應圖注云一云禮草又引宋均禮斗威儀注云福草卽朱草之別名而分福并福草爲二門則不以福并爲福草

屈軼指佞草也

宋書符瑞志上黃帝軒轅氏有屈軼之草生於庭佞人入朝則草指之是以佞人不敢進按文選王融曲水詩序注引田俅子御覽八百七十三休徵部引孫氏瑞應圖所述略同文不備載

紫達紫脫濶達連達也

又符瑞志下紫達王者仁義行則見

文選王融三月三日曲

水詩序紫脫華注禮斗威儀曰人君乘土而王其政太平而遠

方獻其朱英紫脫宋均注曰紫脫北方之物上值紫宮

宋書

符瑞志下賓連濶達生於房室王者御后妃有節則生

華萃雙連也

御覽八百七十三休徵部華萃祥瑞圖曰雙蓮爲萃又曰華萃

者其枝正平王者德剛則仰弱則低孝經援神契曰王者德至

於地則華萃感按宋書符瑞志下華萃作華平文與祥瑞圖同

蓮不作連庶物異名疏草部下引亦同

拔菰延嘉威蕤朱英皆瑞草也

玉篇中艸部菰菰瑞草。廣韻五入聲同按文選甘泉賦作茭

莛張銑注并閭莛莛皆瑞草名漢書揚雄傳上莛作莛是莛莛與莛莛字並通也。拔括二音

御覽八百七十三休徵部孫

氏瑞應圖曰延嘉王者有德則見孝經援神契曰天子至德屬於四海則延嘉生

宋書符瑞志下

威蕤王者禮備則生於殿

前御覽八百七十三休徵部孫氏瑞應圖曰王者禮備則威綏生原注一曰威蕤又曰王者受人倫則威蕤生於殿前庶物異名疏草部蕤綏注一曰蕤蕤

文選王融三月三日曲水詩序

朱英秀注尚書大傳曰德先地序則朱草生瑞應圖曰此草亦

曰朱英

除辛鉤吻野葛也

經史證類大本本草草部下品鉤吻蜀本一名除辛

神農本

草經下鉤吻一名野葛廣雅釋草莛鉤吻也。莛古恨反吻武

粉切

胡蔓牧麻毒草也

〔南方草木狀〕卷上草類治葛毒草也蔓生葉如羅勒光而厚一名胡蔓草〔按〕曼廣雅釋草疏證引作蔓亦見酉陽雜俎十九草篇補筆談卷三文不備載〔太平廣記〕四百八草木有牧麻草大毒有此草值風吹其氣所至則數里內稻皆卽死〔原注〕出感應經

茹蘭毒菌也

〔太平廣記〕四百十三草木〔江夏漢陽縣〕出毒菌號茹蘭非茅蒐也每歲供進縣司常令人於田野間候之苟有此菌卽立表示人不敢從下風而過避其氣也〔原注〕出北夢瑣言〔按〕今本北夢瑣言二十卷內無此文・如閤二音

吉財解毒草也。

〔又四百八草木〕新州郡境有藥士人呼爲吉財。解毒諸毒及蠱神用無比。俗云昔有人遇毒其奴吉財得是藥因以奴名之。實草根也。類芍藥。遇毒者夜中潛取二三寸或剉或磨少加甘草。詰旦煎飲之得吐卽愈。原注出投荒錄。〔按南方草木狀上載李僕之奴得解毒草遂以奴名之吉財作吉利疑傳寫之誤。〕林於篋當由梧蘇麻大竹也。

〔御覽九百六十三竹部〕竹譜曰林於竹薄而廣。〔按今本竹譜作篠。葉薄而廣。越女試箭竹是也。〕〔又顧微廣州記曰篋竹一名員當。節長一丈。〕〔按員當一作篋。篋竹譜篋。篋最大者中篋。〕御覽引中篋作中作篋。〔齊民要術十竹〕南方草木狀曰由梧竹吏民家種之長三四丈圍一尺八九寸作屋柱出交趾。〔按今〕

本南方草木狀無此文御覽竹部二引左思吳都賦曰由梧有簞今本作柚亦與所引異見下射筒注〔竹譜蘇麻竹長數丈葉大如履〕

簞簞射筒簞築扶老簞勞小竹也一

〔初學記果木部竹第十八戴凱之竹譜曰簞簞竹大如腳指蟲食其筍皮類繡甚可愛〕按今本竹譜譌脫過甚如射筒簞筍之類皆不足引據也集韻含朶二音箇一作答〔文選吳都賦其〕

竹則簞簞簞筍桂箭射筒柚梧有簞簞勞有叢劉涓子注射筒竹細小通長長丈餘亦無節可以爲射筒〔集韻上聲六簞簞〕

竹名生南陽漢時獻爲馬策・簞音孤築徒果陟瓜二切〔山〕

海經中山經龜山其下多扶竹〔注〕邛竹也高節實中中杖也名

之扶老竹〔竹譜〕節竹山海經謂之扶竹又名扶老〔南方草木〕

狀卷下竹類。蕙。簪。竹大者徑不過二寸。蕙音思。簪音勞。或省散絲蛇。臍佛桑。麗秋。蟬紫。皆花也。產注輦國。

〔通考三百三十二四裔九〕注輦國花有白茉莉散絲蛇。臍佛桑。麗秋。青黃碧婆羅。瑤蓮。蟬紫。水蕉之類。臍音齊。

區撥之花。冬夏不衰。產頓遜國。登相之草。產高昌國。

彼人以當五設

〔又三百三十一四裔八〕頓遜國有區撥等花。十餘種。冬夏不衰。日載數十車。貨之。其花燥更芬馥。亦末爲粉以傳身焉。區豈俱烏侯二切。撥北末切。〔又三百三十六四裔十三〕高昌沙磧。

不育五穀。砂中生草名登相。收之以食。相息良息亮二切。

息雞之草。產沙漠。

馬食不過十本。卽席其也。

〔五代史四夷附錄二〕契丹水草豐美有息雞。草尤美而本大。馬食不過十本而飽。〔按〕此引胡嶠陷虜記語。述異記下蓆具草一。

名塞路生北方通雅四十一引酉陽雜俎續集作席箕卽息雞也

速古之草產白蘭國

〔通志一百九十五四夷二〕吐蕃有草名速古。芒葉長二寸狀若針蒿。按草出吐蕃此作白蘭疑誤。通志白蘭之下卽接吐蕃不言物產鬱儀蓋偶未檢耳。

尋支之瓜產大食國

〔通考三百三十九四裔十六〕大食瓜大者名尋支。十餘人食一顆輒足。○此引杜環經行記語。

都蔗大蔗也。白者竹蔗。赤者崑侖蔗。小而燥者謂之荻蔗。

〔北堂書鈔一百三十三服飾部〕曹植矯志詩云都蔗雖甘杖之必折。〔通志七十六昆蟲草木二〕甘蔗有三種。赤色者曰崑崙。

蔗。白色者曰竹。蔗亦曰蠟蔗。小而燥者曰荻。蔗。

駢雅卷六下

訓養十三

明 朱謀埠 鬱儀

龍巖魏茂林學

釋木

麥英含桃櫻桃也

藝文類聚八十六果部櫻桃吳氏本草曰一名朱菜一名麥英
甘酣主調中益脾氣令人好顏色美志氣。御覽九百六十九
引略同〔禮月令〕仲夏之月天子乃以雛嘗黍羞以含桃〔注〕含
桃今之櫻桃也

仁頻檳榔也

〔文選上林賦〕仁頻并閭〔注〕孟康曰仁頻櫻也善曰仙藥錄曰檳
榔一名椶然仁頻卽檳榔也

離支荔枝也

〔又同上〕蒼，還離支。注：晉灼曰：離支大如雞子，皮麤，剝去皮膚如雞子中黃，味甘多酢少。離力智切。

般關含消美梨也。

〔古文苑〕揚雄蜀都賦：扶林禽燭般關。注：般關美梨也。廣志曰：關以西梨多，供御燭光采貌。御覽九百六十九果部：辛氏三秦記曰：漢武帝園一名樊川，一名禦宿，有大梨如五升，落地則破。其主取者以布囊盛之，名含消梨。又見三輔黃圖：苑囿門御宿苑條下，禦一作御。

溝道黃建經孝黃扁名李也。

〔御覽〕九百六十八果部：〔廣志〕曰：麥李細小有溝道李。黃建李又曰有經李，一名老李，其樹數年則枯，有杏李味小酢似杏，有黃扁李，有夏李，有冬李，十一月熟。此三李種鄴園。經李一名老

李此作經孝未詳。扁方典切音廬。

駢白崎廉鹿盧名棗也。蹙杏大棗也。

〔又九百六十五果部〕廣志曰大白棗一名曰蹙杏。小核多肌三星棗駢白。棗灌棗此四者官園所種。又有元棗大棗崎廉棗桂棗夕棗之名。蹙子六切音械。〔初學記果木部〕棗第五鹿盧注郭璞曰子細腰者今謂之鹿盧棗。

巴旦北杏也。

〔通雅四十三植物類〕杏仁曰巴旦。乃大宛種也。今京師稱巴旦杏仁而不知其故。按荅烈古大宛也有蒲萄巴旦杏。永樂七年麼賚等朝貢。

冬熟侯闔土翁枸槽猴櫨多南王壇三廉文莖荅逖桴苳皆小果也。

御覽九百七十四果部臨海異物志曰冬熟如指大正赤其味甘勝梅 〔又〕猴闔子如指頭大其味小苦可食。侯猴通闔他達切 〔又〕王翁子如漆子大熟時甜酸其色青黑 〔又〕狗槽子如指頭大正赤其味甘。枸俗作狗古厚切 〔又〕猴惣子如指頭大與柿相似其味不減於柿按惣卽惣之俗體字作孔切惣亦作棣齊民要術卷第十引又作總字形別耳音義一也 〔又〕多南子如指大其色紫味甘與梅子相似晉安侯官界中有之 〔又〕王壇子如棗大其味甘晉安侯官越王祭壇邊有此果無知其名因見生處遂名王壇其形小於龍眼有似木瓜七月熟甘美也 〔又〕陳祚暢異物志曰三廉大實實不但三食之多汁味酸且甘藏之尤好與衆果相參註出南安郡雲母山見南越志雖名三廉或有四五六枝 〔山海經西山經〕符禺之山其上

有木焉名曰文莖其實如棗可以已聾

〔文選上林賦荅選注〕

張揖曰荅選似李出蜀·選音杏

〔逸周書王會解〕康民以桴

苳桴苳者其實如李食之宜子〔注〕康亦西戎別名也食桴苳卽有身。王本作康人洪本桴作桴鬱儀桴桴兩用此作桴下桴苳又作桴別異文也孚以二音

鹿梨赤羅槎也

〔毛詩草木鳥獸蟲魚疏〕隰有樹槎槎一名赤羅一名山梨今人謂之楊槎其實如梨但實甘小異耳一名鹿梨一名鼠梨·槎

徐醉切音遂

枌詣楹也

〔丹鉛總錄花木類〕枌詣爾雅注引諺云上山斫檀楹榑先彈楹字一作枌三輔黃圖有枌詣殿枌詣木名卽楹也〔按〕上山云云

爾雅釋木郭注文詳下檣檣似檀而細葉注今本黃圖三殿作宮又枌詣祇言宮中美木名不言何木卽榿也三字乃升菴所加鬱儀蓋本其說考玉篇中木部榿牛狄切榿舟亦作艦集韻入聲十艦榿艦注艦首舟也或从木从兒皆不作木名解通雅四十三木類謂枳枌詣也引爾雅枳櫨又謂枌音意枌詣卽櫨也與升菴說異沈氏亮曰通雅引齊諺榿榿先殫則總錄榿乃榿之譌殫乃殫之譌也又榿本櫨之俗字見玉篇中木部櫨字重文榿與榿字形相近方氏謂升菴以枌詣卽檣櫨則榿或榿字之譌爾陸璣詩爰有樹檀疏檣櫨作挈櫨鄭注爾雅卷下云俗呼朴樹其木如檀方氏謂卽梓榆未知孰是又枌詣一作枌栢宮名見玉篇中木部枌字注枌於計切栢五計切

道梓松也

廣雅釋木道梓松也

思仙杜仲也

經史證類大全本草木部上品杜仲一名思仙

秦皮石櫝白櫝也

又木部中品秦皮一名岑皮一名石櫝生廬江川谷及冤句圖經曰俗呼爲白櫝木

雨師樓落櫝也

廣雅釋木雨師櫝櫝也疏證陸機詩疏云河柳皮正赤如絳一

名雨師枝葉似松是雨師卽櫝也雨各本譌作而又脫師字今

訂正通志七十六昆蟲草木二櫝曰河柳曰雨師曰春柳大

概杉松之類而意態似柳故謂之櫝柳爾雅曰櫝河柳其材可

卷爲盤合又曰樓落郭云可以爲栝器素又爾雅鄭注釋木樓

落樓音鑊郭云可以爲杯器據此則今檉杉也。素與索通

烏文黑木也

〔古今注〕草木第六騎或作盤騎木出交川色黑而有文亦謂之烏文木也

多邦蘇枋絳木也

〔明一統志〕九十外夷安南土產蘇木原注一名多邦〔南方草木狀〕卷中木類蘇枋樹類槐花黑子出九真南人以染絳漬以大庾之水則色愈深

男青朱木也

〔御覽〕九百六十一木部羅浮山記曰男青條莖之屬莫不朱色尤易植立折插土中因便開榮

青田酒木也

古今注草木第六烏孫國有青田核莫測其樹實之形至中國者但得其核耳得清水則有酒味出如醇美好酒核大如六升瓠空之以盛水俄而成酒

咸平酢木也

談薈二十九曼陀羅草條引真臘風土記蒲巴澗山間有石可食味勝於鹽琢之爲器有咸平樹莢葉味酸用以代鹽又三十五醯蔬草蜜條引元覽臨安有酸角之醯蔬焉真臘有咸平之酢樹焉巴西有草或交河有草蜜

白薈舉蘇飴木也

山海經南山經侖者之山有木焉其狀如穀而赤理其汗如漆其味如飴食者不飢可以釋勞其名曰白薈注或作舉蘇舉蘇一名白薈見廣雅音羔按今本廣雅釋草作慕蘇白薈也疏證

引郭注亦作皋不作舉千祿字書云舉俗皋字也

都勾桃榔麪木也

御覽九百六十一木部劉欣期交州記曰都勾樹木中出屑如麪可啖
〔文選蜀都賦〕麪有桃榔〔劉淵林注〕桃榔樹名也木中有屑如麪可食出興古・光郎二音

枸榔綿木也

〔文選吳都賦〕枏榔枸榔〔劉淵林注〕異物志曰枏榔機也皮可作索枸榔樹也直而高其用與枏榔同枏榔出武陵山枸榔出廣州按枸榔與枏榔皆非綿木此殆因下句絲杭杔櫨注有木絲樹實有如絲綿一實得數斤云云誤會之也・枸古侯反榔音郎與榔通

繫彌粟木也

〔御覽〕九百六十一木部毛詩義疏曰繫。一名契似檀。廣志曰繫。彌樹子赤如糯米可食。○彌與彌同。邵氏爾雅釋木正義引御覽文糯米作榘。栗齊民要術卷十引廣志作榘。栗正義又云繫。彌一名繫。迷見陸璣疏一名挈。榼。

新雉侯桃。辛矧木筆也。

〔文選〕甘泉賦列新雉於林薄。〔注〕服虔曰新雉香草也。雉夷聲相近。善曰新雉辛夷也。本草辛夷一名辛雉。〔經史證類〕大本

草木部上品辛夷一名辛矧。一名侯桃。一名房木。生漢中川谷。九月採實暴乾。衍義曰辛夷先花後葉。卽木筆花也。最先春以其花未開時其花苞有毛尖長如筆故取象曰木筆。○侯桃舊鈔本作侯枕。張刻作桃。不誤。

朝生合昏。王蒸洽容。愛老日及。槿也。

通志七十六昆蟲草木二木槿曰舜齊魯名王蒸爾雅云人草
例者樊光云其華朝生暮落與草同氣故在草中今人謂之朝
生暮落又合歡曰合昏日夜合其葉至暮而合故曰合昏今
人皆謂之夜合花按通志分木槿合歡爲二則不以爲一木名
爾雅釋草椴木堇椶木堇注別二名也似李樹華朝生夕隕
可食或呼曰及亦曰王蒸釋文椴徒亂反堇本或作槿音謹椶
楚靳反本又作藐齊民要術十木堇傳元朝華賦序曰朝華
麗木也或謂之洽容或曰愛老

夫移棠棣也

爾雅釋木唐棣移注今白移也似白楊江東呼夫移按今白移
也四字原脫邵氏正義據詩疏增補又郝氏義疏說文移棠棣
也文選甘泉賦注引爾雅正作棠棣移也類聚引詩何彼穠矣

棠棣之華是唐當作棠經典通借作唐郭云江東呼夫移者類聚八十九引詩夫移燕兄弟也閔管蔡之失道夫移之華萼不燁燁所引蓋三家詩此郭所本釋文移以支反字林上泥反夫音符

爵李常棣郁李也

齊民要術十鬱爾詩義疏曰其樹高五六尺實大如李正赤色食之胝廣雅曰一名雀李又名車下李又名郁李亦名棣按今本廣雅雀作爵無車下李及郁李之文經史證類大本草木部下品郁李一名爵李爾雅釋木常棣棣注今山中有棣樹子如櫻桃可食鄭氏樵注常棣棣郁李也

越桃木丹鮮支梔子也

經史證類大本草木部中品梔子一名木丹一名越桃

選上林賦鮮支黃礫注司馬彪曰鮮支支子也

銚芑五梭羊桃也

爾雅釋草葭楚銚芑注今羊桃也或曰鬼桃葉似桃華白子如小麥亦似桃釋文銚羊招反或羊召反字或作莛芑音翼字亦作弋桂海虞衡志果志五梭子形甚詭異瓣五出如田家碌礪狀味酸久嚼微甘閩中謂之羊桃

枹閭比閭蒲葵棧也

玉篇中木部櫨棧櫨亦曰枹櫨也。枹俾名切閭與櫨通逸周書王會解白州比閭比閭者其華若羽伐其木以爲車終行不敗通雅四十四植物類比閭卽枹櫨王會篇白州比閭蓋棧閭也玉篇中木部棧祖東切棧櫨也一名蒲葵

浮畱蒟醬也

經史證類大本本草部中品蒟醬唐本注云蜀都賦所謂流
味於番禺者蔓生葉似王瓜而厚大味辛香實似桑椹皮黑肉
白西戎亦時將來細而辛烈或謂二種交州愛州人云蒟醬人
家多種蔓生子長大謂苗爲浮留藤取葉合檳榔食之辛而香
也通志七十五昆蟲草木一蒟醬曰浮留劉涓子蜀都賦注云
蒟醬緣木而生其子如桑椹熟時正青以蜜藏而食之辛香今
嶺南人但取其葉及藤合檳榔食之謂之蓼而不用其實蒟
音矩

瘞接麥李也

爾雅釋木瘞接慮李注今之麥李按邵氏正義謂休爲無實李

瘞爲接慮李是以接慮爲李名此與瘞字連讀接字从木不从
手與邵異義夏氏荃曰陸氏爾雅音義瘞徂禾反慮李如字施

音驪此當以慮李爲句而誤會之爾慮李連讀則瘞接亦可爲
李名矣阮氏按勘記謂正德本接誤接閩本監本毛本誤同是
駢雅所據猶是善本邢疏瘞接慮李四字渾舉不破僅解郭氏
云今之麥李與麥同熟因名云望文生義宋人說經之陋類如
此

蹶洩苦棗也

又同上蹶泄苦棗注子味苦按初學記果木部棗第五引爾雅
此文蹶泄作蹶洩釋文蹶本亦作蹶居衛反

守宮槐也

又同上守宮槐葉晝聶宵炕注槐葉晝日聶合而夜炕布者名
爲守宮槐

無姑姑榆也

又同上。無姑。其實夷。注無姑。姑榆也。生山中。葉圓而厚。剝取皮合漬之。其味辛香。所謂蕪夷。

青堂合歡也。

古今注問答釋義第八。欲蠲人之忿。則贈之青堂。青堂一名合歡。合歡則忘忿。○權與歡同。

蜜香。珍木也。其節爲沉水。浮者爲雞骨。幹爲甲。棧枝爲青桂。實爲雞舌。根爲黃熟。根節爲馬蹏。一物而七名也。

南方草木狀卷中木類。交趾有蜜香。樹幹似柅柳。其花白而繁。其葉如橘。欲取香。伐之。經年。其根幹枝節各有別色也。木心與節堅黑沉水者。爲沉香。與水面平者。爲雞骨。香其根爲黃熟。香其幹爲棧香。細枝緊實未爛者。爲青桂。香其根節輕而大者。爲馬蹄。香其花不香。成實乃香。爲雞舌。香珍異之木也。按草木狀。

文祇作棧香無甲棧字通雅四十三木類引述異記謂甲香乃桂香之善者又云甲香卽沉水也唐人謂之甲煎義山詩沈香甲煎爲庭燎則甲棧爲蜜香之一矣

旃檀香木也

御覽九百八十二香部俞益期牋曰衆香是一木木根爲旃檀按此與酉陽雜俎本篇言木五香根旃檀云云語合

賓連平露平慮平兩瑞木也

白虎通卷三上封禪繼嗣平則賓連生於房戶賓連者木名也其狀連累相承故生於房戶象繼嗣也又王者使賢不肖位

不相踰則平露生於庭平露者樹名也官位得其人則生失其人則死玉海一百九十七祥瑞平露木名一名平慮揚雄傳

甘泉賦注如淳曰并閭其葉隨時政政平則平政不平則傾師

古曰如氏所說自是平慮耳。通雅四十四植物類。孫皓時賈菜生吳平家東觀按圖名賈爲平慮。御覽八百七十三休徵部。孫氏瑞應圖曰平露者如蓋生於庭似四方之政平王者不私人以官則四方之政平若東方政不平則西低北方政不平則南低西方政不平則東低南方政不平則北低四方政不出其根若絲一曰平兩。又曰平兩者如蓋蓋以知四方王者政平則生。

姑繇冥靈膏夏大木也。

穆天子傳卷六甲戌天子西征至於因氏天子乃釣於河以觀姑繇之木。注姑繇大木也。山海經云尋木長千里生海邊謂此木類。繇音遙。列子湯問篇荆之南有冥靈者以五百歲爲春五百歲爲秋上古有大椿者以八千歲爲春八千歲爲秋。注。

冥靈木名也。亦見莊子內篇逍遙遊齊民要術十引作宜洽
原注一作靈按宜字疑冥字之譌刊寫誤爾淮南子俶眞訓
巫山之上順風縱火膏夏紫芝與蕭艾俱死注膏夏大木也其
理密白如膏故曰膏夏

榑木扶桑也

山海經東山經無皋之山南望幼海東望榑木注扶桑二音
疏按榑木卽扶桑但不當讀木爲桑注有脫誤。尊石經作萑
沙棠不沈

又西山經崑崙之邱有木焉其狀如棠黃華赤實其味如李而
無核名曰沙棠食之使人不溺注言體浮輕也沙棠爲木不可
得沉

思儻不腐

桂海虞衡志草木志思。儼木生兩江州洞堅實漬鹽水中百年不腐。

女貞不凋。

山海經東山經太山上多金玉楨木。注女楨也。葉冬不凋。楨

一作貞。

薊栢耐寒。

又中山經敏山上有木焉其狀如荆白華而赤實名曰薊栢服者不寒。注令人耐寒。薊音計。

迷穀四照。

又南山經招搖之山有木焉其狀如穀而黑理其華四照其名曰迷穀。佩之不迷。

楊搖七脊。

齊民要術十果疏臨海異物志曰楊栲有七脊子生於樹皮中其體雖異味則無奇長四五寸色青黃味甘。御覽九百七十四果部引同

天楸方莖

山海經中山經堵山其上有木焉名曰天楸方莖而葵狀服者不啞。楸注音鞭

六駁多癰

古今注草木第六六駁山中有木葉似豫章皮多癰駁按駁與駁字書兩收據今本古今注駁當作駁竝北角切音剝

闌鏤纖條

隋書東夷流求國傳國居海島之中多闌鏤樹似橘而葉密條纖如髮然下垂。鏤郎豆龍珠二切

黃棘員葉

山海經中山經苦山其上有木焉名曰黃棘黃華而員葉其實如蘭服之不字

播移虛中

御覽九百六十木部林邑記曰播移樹柯下發根下垂虛中森羅望之似懸髮·移音移

交讓櫨也

又九百五十八木部尋陽記曰黃金山有楠樹一年東邊榮西邊枯後年西邊榮東邊枯年年如此張華云交讓樹者是也無患拾櫨也

古今注問答釋義第八程雅問拾櫨木一名無患者昔有神巫名曰寶賤能符劾百鬼得鬼則以此爲棒殺之世人相傳以此

木爲衆鬼所畏競取爲器用以卻厭邪鬼故號曰無患也。櫨
音盧

胥邪樓屬也

〔文選上林賦〕留落胥邪〔注〕郭璞曰胥邪似并閩皮可作索。南
都賦作楮枒音胥邪注同

雞棲皁莢也

〔御覽〕九百六十木部廣志曰雞棲子皁莢也

甘棠杜梨也

〔毛詩〕草木鳥獸蟲魚疏蔽芾甘棠甘棠今棠棣一名杜棣赤棠
也與白棠同耳但子有赤白美惡子白色爲白棠甘棠也少酢
滑美赤棠子澁而酢無味俗語云澁如杜是也赤棠木理韌亦
可以作弓幹

榧。榧。酢梨也。

〔御覽九百七十三果部〕廣志曰榧。其子甚酢。出西方。〔按說文解字第六〕榧果似梨而酢。从木盧聲。側加切。榧音蜺。

木威。苦果也。

〔又九百七十四果部〕顧微廣州記曰木威。黃皮其味殊苦。又曰木威高丈餘。子如橄欖而堅。削去皮以爲粽。又見下餘甘子注宜母。黎。朦。酢果也。

〔桂海虞衡志果志〕黎。朦。子如大梅。復似小橘。味極酸。〔廣東通

志九十五物產二果類〕黎。朦。子又名宜濛。子又名宜母。果似橙而小二。三月黃色。味極酸。婦人懷妊不安。食之良。故有宜母之名。〔原注〕舟車聞見錄。朦音濛。

枳。榧。餒果也。

古今注草木第六枳椇子一名樹蜜一名木餠實形拳曲花
實外味甜美如餠蜜。紙矩二音

枸椽香果也

椽當作緣。嶺表錄異卷中。枸椽子形如瓜皮似橙而金色故人
重之愛其香氣。枸音苟又鉤矩二音椽音緣余專切

倒捻都念甘果也

又同上倒捻子窠叢不大葉如苦李花似蜀葵小而深紫南中
婦女得以染色有子如軟柿頭上有四葉如柿蒂食者必捻其
蒂故謂之倒捻子或呼爲都捻子蓋語訛也其子外紫內赤無
核食之甜軟甚煖腹兼益肌肉御覽九百六十一木部杜寶
大業拾遺錄曰十二年四月南海郡送都念子樹一百株敕付
西苑十六院內種此樹高一丈許葉如白楊枝柯長細花金色

花葉正赤似蜀葵而大其子小於柿子甘酸至美蜜漬爲粽益佳

平仲銀實帝屋赤實君遷匏實毗野楮實羅望刀實

〔文選吳都賦〕平仲君遷〔劉淵林注〕劉成曰平仲之木實白如銀君遷之樹子如瓠形〔山海經中山經〕講山有木焉名曰帝屋

葉狀如椒反傷赤實可以禦凶〔注〕反傷刺下勾也〔隋書南蠻

真臘國傳〕毗野樹花似木瓜葉似杏實似楮〔桂海虞衡志〕果

志羅望子殼長數寸如肥皂又如刀豆色正丹內有二三實煨

食甘美

古度不華而實子從皮出

〔文選吳都賦〕松梓古度〔劉淵林注〕古度樹也不華而實子皆從皮中出大如安石榴初時可煮食也廣州有之〔御覽〕九百六十

木部裴淵廣州記曰古。度葉如栗无華枝柯皮中生子子似櫨而酢煮以爲粽數日不煮化爲飛蟻

如何之實隨刀易味

神異經南荒經南方大荒有樹焉名曰如何三百歲作華九百歲作實金刀剖之則酸蘆刀剖之則辛御覽九百六十一木部顧凱之啟蒙記曰如何隨刀而改味

餘甘之子如彈丸其核五稜東枝爲木威南枝爲橄欖

御覽九百七十三果部吳錄地理志曰高凉安寧縣有餘甘初食之味苦後口中更甘臨海異物志曰餘甘子出晉安侯官界中餘甘橄欖同一果耳又雲南記曰瀘水南岸有餘甘子樹子如彈丸許色微黃味酸苦核有五稜其樹枝如柘枝葉如小夜合葉西陽雜俎續集卷九橄欖子獨根樹東向枝曰木威南

向枝曰橄欖。

羅晃之子如橄欖其皮七出。

桂海虞衡志果志羅晃子如橄欖其皮七重。

娑羅之子若椒。

御覽九百六十一木部魏王花木志曰娑羅樹細葉子似椒味如羅勒嶺北人呼爲大娑羅。

都諦之子若榴。

桂海虞衡志果志部諦子色黃如大石榴按部諦此作都諦疑字形相近而譌庶物異名疏果部引此文都亦作部。

石南之子如燕卵。

御覽九百六十一木部魏王花木志曰南方記石南樹野生二月花仍連着實實如燕子八月熟民採之取核乾取皮作魚羹。

和之尤美出九真

庵羅之子如李

隋書南蠻真臘國傳菴羅樹花葉似棗實似李。庵一作菴同

蘿蒙之子若橙

桂海虞衡志果志蘿蒙子黃如大橙柚

雒常之皮可衣

山海經海外西經肅慎之國有樹名曰雒常。先八代帝於此取之。注雄或作雒。又注其俗無衣服中國有聖帝代立者則此木生皮可衣也

吉貝之花可績

通考三百三十一四裔四林邑國出瑇瑁貝齒吉貝。沉水香吉貝者樹名也其華成時如鵝毛抽以績紡作布潔白與紵布不

殊亦染成五色織爲斑布也

帝休蠲忿文莖已聾稗苳宜子

山海經中山經少室之山其上有木焉其名曰帝休葉狀如楊其枝五衢黃華黑實服者不怒文莖稗苳竝見上小果注

木麥桑耳也

經史證類大本草木部中品桑耳一名桑菌一名木麥注蜀本麥作浚詮苟切

梟景桃鳧也

又果部下品桃鳧一名桃奴一名梟景是實著樹不落實中者正月採之

宛童寄屏寄生也

爾雅釋木寓木宛童注寄生樹一名鳧正義小雅頍弁云鳧與

女蘿引陸璣疏云蔦一名寄生葉似常盧子如覆盆子赤黑甜美按方言云寓寄也寄附於大木而生故謂之寓木廣雅云宛童寄生檮也又云寄屏寄生也廣異名也今寄生多於桑上本草云桑上寄生一名寄屑一名寓木一名宛童

齊啣齊匱也子似楊桃可以壓油產拂林國

啣當作噉匱當作廬西陽雜俎卷十八齊噉樹出波斯國亦出拂林國拂林呼爲齊廬樹長二三丈皮青白花似柚極芳香子似楊桃五月熟西域人壓爲油以煮餅菓如中國之用巨勝也
• 廬音湯兮反

阿緹沒樹也槐葉而橘花產波斯國

又同上沒樹出波斯國拂林呼爲阿緹長一丈許皮青白色葉似槐葉而長花似橘花而大子黑色大如山茱萸其味酸甜可

食。楚宜蘇可二切。庶物異名疏木部引作榧。注音矧。

租稼。樞高千丈。其葉七尺。其實九尺。產東荒。

租當作杻。神異經南荒經南方大荒之中有樹焉名曰杻。稼。樞。杻者。杻梨也。稼者。株稼也。樞親暱也。三千歲作華。九千歲作實。其華蕊紫色。其實赤色。其高百丈或千丈也。敷張自輔。東西南北方枝各近五十丈。葉長七尺。廣五尺。色如綠青。木皮如梓。樹理如甘草。味飴。實長九尺。圍如其長而無瓢核。以竹刀剖之。如凝蜜。得食復見實。卽滅矣。按此據今本東荒作南荒。太平廣記四百十引作東荒。與駢雅文合。杻側加切。樞音匿。綺縞之樹。高三千丈。實如寒瓜。食之冥醉。產東南荒。

〔太平廣記〕四百十草木東南荒中有邪木焉。高三千丈或十餘圍。或七八尺。其枝有喬直上不可卽也。又云子形如寒瓜。又云。

若取子而留萼萼復生子如初年月復成熟復二年則成萼則復生子其子形如甘藷少親甘美食之令人身澤不可過三升令人冥醉半日乃醒木高人取不得唯木下有多羅之人緣能得之一名無葉世人後生不見葉謂之無葉也一名綺縞人見無葉謂之綺縞出神異經按今本神異經綺縞作倚驕張茂先注云驕謂直上不可那也

底櫚阿驛也無花而實產拂林國

〔酉陽雜俎卷十八〕阿驛波斯國呼爲阿駟拂林呼爲底櫚樹長丈四五枝葉繁茂葉有五出似棹麻無花而實實赤色類棹子味似甘柿一月一熟。櫚乃里切又弭彌二音按底櫚原作底珍據太平廣記四百十一引改

玉樹似槐而細葉

太平廣記四百六草木。雲陽縣累多漢離宮故地有樹似槐而葉細土人謂之玉樹。原注出國史纂異。按三輔黃圖二甘泉宮。一曰雲陽宮。甘泉谷北岸有槐樹。今謂玉樹。楊震關輔古語云。耆老相傳咸以謂此樹卽揚雄甘泉賦所謂玉樹青葱也。亦見御覽九百六十一木部通雅四十四植物類文不備錄。檿榼似檀而細葉。

爾雅釋木醜榼。注醜大木細葉似檀。今河東多有之。齊人諺曰上山斫檀。檿榼先殫。釋文檿兮計反。又音奚。榼許兮反。本亦作醜。

駢雅卷六訓纂十三終